

PARS PRIMA
DE
PERTINENTIBUS AD SIMPLI-
CEM APPREHENSIONEM.

INFORMATIO PRIMA
De Terminis.

Per terminum in acceptione dialecticā in- 1.
telligitur pars propositionis , sicut autem
propositio alia est mentalis , quæ in men-
te tantum formatur , alia vocalis , quæ ore
exprimitur, alia scripta, quæ scribitur, sic etiam
terminus aliis est Mentalis , aliis Vocalis , aliis
Scriptus. Terminus mentalis est pars constitutiva
propositionis mentalis , terminus vocalis est pars
constitutiva propositionis vocalis, terminus scrip-
tus est pars constitutiva propositionis scriptæ.
Quarum definitionum sensus patebit ex mox
dicendis. Cum verò terminus vocalis sit no-
tior & usitatior mentali & scripto ; idèò in
præsenti potissimum agitur de termino vocali,
ejusque tum definitio , tum divisiones exa-
minantur.

ARTICULUS PRIMUS.

De Natura Termīni Vocalis.

2. CONCLUSIO. Terminus vocalis definitur
Vox significativa ad placitum, ex quā sim-
plex per se conficitur propositio.

Explicatur, Dicitur primo vox significat. va
ad placitum. Vox enim triplex est, alia nihil
significans, ut: *Bictri*. Alia naturaliter sig-
nificant, ut: *Gemitus Infirmi*. Alia significans
ad placitum, sive quæ ab antiquis imposta
est ad rem aliquam propriè significandam,
sic vox: *Homo* est imposta ad significandam
naturam humanam; & talis vox requirit ad
terminum. Neque ad eum sufficit qualiscun-
que sonus, sed debet esse vox vel sonus ab ore
animalis proiatus, cum intentione aliquid sig-
nificandi, unde ad terminum non pertinent
clangor tubæ, strepitus pedum, sonus cam-
panæ &c.

Dicitur secundò. Ex qua, quia termini
sunt partes, ex quibus propositio imme-
diatè componitur.

Dicitur tertio; simplex per se conficitur pro-
positio, quia terminus, tanquam pars, per
se & ex naturâ suâ petit componere propo-
sitionem, & quidem simplicem vel categori-
cam, terminus enim debet componere propo-
sitionem immediatè, sola autem propo-
sitio

sitio simplex ex terminis immediate compo-
nitur. Unde in claret bonitas definitionis ,
quia constat genere & differentiâ , quod am-
plius constabit ex sequentibus.

Colliges primò. Quod voces nihil signifi- 3.
cantes , ut : *blictri* , non sint termini. Ra-
tio est , quia non sunt signa NB. formaliter ,
sed materialiter talia , ideoque non deter viunt
ad faciendam propositionem *logicam* vel do-
ctrinalem. Dictum est : non sunt signa NB. for-
maliter , sed materialiter talia , signum enim
formaliter tale est illud , quod præter se aliud
manifestat , voces autem nihil significantes
manifestant nudum sonum , & præterea nihil.

Dices , vox nihil significans v. g. *blictri* 4.
potest esse subjectum in propositione , ergo
potest esse terminus , P. ant. , in hac propo-
sitione : *blictri est disyllabum* , ly *blictri* est
subjectum , ergo. P. ant. , ly *blictri* pon-
tur ordine constructionis ante copulam , ergo.

R. dist. ult. ant. Ly *blictri* ratione sui pon-
itur &c. N. A. ratione alterius C. A. subintel-
ligitur enim particula *vox* , ut sensus proposi-
tionis sit : *vox blictri est disyllaba*.

Urgebis primò. Sed ly *blictri* in dicta pro- 5.
positione accipitur ratione sui , ergo contra
solutionem. P. ant. , quod accipitur pro se
ipso , accipitur ratione sui , sed in dictâ
propositione ly : *blictri* accipitur pro se ip-
so,

so, ergo, P. min. *blīctri* non potest accipi pro alio, quia non est vox significativa, ergo accipitur pro se ipso.

R. dist. prob. antecedentis, quod accipitur pro se ipso *in ratione formaliter significantis*, hoc accipitur ratione sui C. maj. quod accipitur pro se ipso *in ratione materialiter significantis*, hoc accipitur ratione sui N. maj. Similiter dist min.: N. coam, blīctri lumen pro se ipso materialiter, sive prouidâ voce.

6. Urg. 2do, sed ly blīctri in dicta propositione aliquid significat, ergo, P. ant. blīctri est signum vocis nihil significantis, ergo.

R. dist. prob, ant. Blīctri est signum vocis nihil significantis, & illa significatio est materialis & illiterata C. ant., & illa significatio est formalis & doctrinalis N. ant. Qui audit proferri hanc vocem: blīctri, nihil docetur, quia plus non intelligit, quam sonum.

7. Colliges secundô. Quod literæ & syllabæ non sunt termini logici. Ratio est, quia ex literis & syllabis propositione non fit immediate, sed mediately, id est, mediantibus integris dictionibus.

8. Dices. Quod terminat propositionem, hoc est terminus, sed literæ & syllabæ terminant propositionem, ergo sunt termini.

R. dist maj., quod terminat propositionem formaliter spectata, hoc est terminus C..

maj

mai. , quod terminat propositionem *materi-*
liter spectatam N. maj. Similiter dist. min.
 N. coam Literæ non terminant propositionem sumptam formaliter, in ratione affirmantis vel negantis.

Urgebis. Sed etiam literæ terminant propositionem formaliter sumptam, ergo contra solutionem, P. ant., hæc est propositio Aristotelis formaliter sumpta : *A est B*, sed hanc propositionem terminant literæ A, & B, ergo.

R. ad prob. C. maj. dist. min. , sed hanc propositionem terminant literæ *quatenus* literæ sunt N. min. , terminant literæ *quatenus* ponuntur *loco terminorum* C. min. Similiter literæ vocales positæ in dictionibus, *Barbara*, *Celarent* & aliis [de quibus agetur P. 3. Dial.] non considerantur à Dialecticâ , *quatenus* literæ sunt, sed *quatenus* significant qualitatem vel quantitatem propositionum.

Colliges tertio, quod propositio ut : *Homo est* IO. *Doctus*, non sit terminus. Ratio est, quia terminus debet esse pars *per se ordinata* ad componendam propositionem, sed propositio non est pars *per se ordinata* ad componendam propositionem aliam , cum propositio sit aliquod *totum*, quod non *per se* , sed tantum *per accidens* ordinatur ad aliud componendum. Eadem ratio evincit, quod oratio, ut : *Animal rationale*, non sit terminus.

Dices,

II. Dices. Oratio potest componere propositionem , ergo oratio est terminus. P. ant. hæc oratio : *Animal rationale* , componit hanc propositionem : *homo est animal rationale* , ergo.

R. Dist. Prob. ant. Hæc oratio : *animal rationale* , sumpta in ratione orationis componit propositionem N. ant. sumpta in ratione termini complexi C. ant. *animal rationale* dupliciter spectari potest, 1mò , ut est terminus complexus , & sic est pars per se , & componit propositionem. 2dò , ut est oratio , & sic non est pars ; sed totum , neque propositionem componit per se , sed ad summum per accidens.

12. Colliges quartò , quod copula NB. exercitè sumpta non sit terminus. Ratio est , quia terminus debet esse pars constituens propositionem , copula autem exercitè sumpta non est pars propositionem constituens , sed tantum est unio vel nexus partium , sicut clavi non sunt partes navis , sed tantum conjunctiones partium navis. Ait. S. Thom. I. perib. Lect. I.

Dictum est copula NB. exercitè sumpta , potest enim copula spectari dupliciter , 1mò exercite & formaliter , in quantum exercet officium copulæ , id est connectit partes , & sic non est terminus. 2dò signatè & materialiter , in quantum est vox latina ad placitum significativa.

nificativa, ut in hac propositione: *Est* est copula. Sumitur etiam materialiter quando significatur per hoc nomen *copula*, ut: *copula est unio*, & sic copula potest esse terminus.

Dices imò. S. Th. 1. perib. Lect. 1. Ait: *verbum est pars enuntiationis*. Et 2. perib. Lect. 2. quandoq; in enuntiacione verbum: *est*, prædicatur secundum se, ut cum dicitur: *Socrates est*, ergo copula sive verbum *est* est terminus.

R. Ad 1. textum, velle S. Th. quod verbum non sit pars constituens propositionem, sed tantum uniens partes propositionis, hoc autem non sufficit ad rationem termini, in formâ D. Verbum est pars enuntiationis uniens C. constituens N. enuntiatio enim, ait S. Th, Lect. 9. constituitur ex subjecto & prædicato.

R. Ad 2 explicando sub distinctione: verbum est prædicatur secundum se in ratione verbi N. in virtute participii sub intellecti C. nam in verb. *est* involvitur participium: *Existens*, ut sensus sit: *Socrates est existens*, sicut in hac propositione: *studere non est otium*, ly: *studere & otium* sunt subjectum & prædicatum, non in quantum verba sunt, sed in quantum ponuntur nomine substantivorum, unde propositio sic explicatur, *studium non est otium*.

Dices 2dò. Ideò copula exercitè sumpta, non esset terminus, quia est medium uniens partes propositionis, sed illa ratio nulla est, ergo,

ergo , P. min. quamvis medium syllogismi uniat majus & minus extremum , tamen medium syllogismi est terminus , ergo etiam quia quamvis copula sit medium uniens partes propositionis ; tamen copula est terminus .

R. Ad prob. min. C. ant. N. Coam, dispositas est , quia medium syllogismi ita unit majus & minus extremum , ut tamen ipsum simul subjiciatur vel prædicetur in præmissis , copula vero exercitè sumpta in propositione neque subjicitur neque prædicatur .

ARTICULUS SECUNDUS.

*An Voces extra Propositionem sint Actu
Termini ?*

15. Prænotandum. Quod voces significantes ad placitum tripliciter considerari possint , immò absolute & secundum se , in quantum sunt impositæ ad aliquid significandum , non verò sunt ordinatæ ad constituendam propositionem , voces sic acceptæ habent potentiam remotam componendi propositionem , & non sunt actu termini . Secundò cum ordine ad propositionem , in quantum intellectus voces illas ordinavit ad propositionem constitutandam , sic acceptæ habent potentiam proximam componendi propositionem , tertio prout actu propositionem componunt , & ponuntur vel ante vel post copulam , in hac tertiat acceptio-

ne

ne constat , quod voces sint *actu termini* , dubium igitur est de vocibus secundo modo acceptis.

CONCLUSIO. Voces in secundâ accep¹⁶tione sunt *actu & propriè termini*, Ratio est , quia *verba in definitionibus posita non dicunt actum sed potentiam* , ergo dum in definitione termini dicitur , quod sit vox , ex quâ componitur propositio , ly *conficitur non debet intelligi de actuali exercitio* , sed tantùm de *potentiâ proximâ componendi* , voces autem positæ extra propositionem , dummodo ad illam per intellectum sint ordinatæ , habent potentiam proximam componendi , ergo sunt *actu & propriè termini*.

Declaratur hoc 1mò : Homo definitur , quod sit animal rationale & tamen ad hoc , ut aliquis dicatur *actu homo* , non requiriatur ut *actu ratiocinetur*. 2dò : civis dicitur *actu pars civitatis* , dummodo ad civitatem sit deputatus , licet in eâ *actu non moretur*. 3tiò judex est *actu* , non tantùm quoad nomen , sed etiam *quoad officium* judex , licet *actu non judicet* , ergo simili modo in præsenti philosophandum est de vocibus extra propositionem.

Dices 1mò. Terminus ab Aristotele de-17.
finitur , quod sit id , in quod *resolvitur* propositio velut in *prædicatum & subjectum* ,
sed

sed illa definitio non convenit vocibus extrà propositionem , ergo voces extrà propositionem non sunt termini , P. min : resolutio supponit compositionem propositionis , sed voces extrà propositionem neandum sunt in compositione propositionis , ergo .

R. D. 1^{ma} maj. Terminus *actu compo-*
nens definitur ab Aristotele , quod sit id , in
 quod resolvitur propositio &c. C. maj. ter-
 minus *simpliciter talis* N. maj. & C. min. D.
 cons. ergo voces extra propositionem non sunt
 termini *actu componentes* C. coam non sunt
 termini *simpliciter tales* N. coam , ad ter-
 minum simpliciter talem sufficit , quod sit
 pars , ad hoc autem , ut vox aliqua sit actu
 pars propositionis , non requiritur , ut eam
 actu componat , sed satis est potentia proxi-
 ma componendi. Sicut anima rationalis se-
 parata à corpore manet actu pars hominis ,
 licet hominem actu non componat.

18. Urgebis. Sed etiam voces extrà proposi-
 tionem non sunt actu termini simpliciter tales ,
 ergo cont. sol. P. ant. voces extrà propo-
 sitionem sunt *indifferentes* ad eam componen-
 dam vel non componendam , ergo. P. ant.
 vox *animal* potest æquè poni ac non poni in
 propositione , ergo .

R. D. 2dum ant. Voces extrà propositi-
 onem secundum *se sumptæ* sunt indifferentes C.
 ant.

ant; : voces ordinatæ ad propositionem N.
ant.

Dices 2do. Terminus dicitur à terminando , sed voces extra propositionem non terminant propositionem , ergo non sunt termini.

R. D. maj. Terminus dicitur à terminando vel actu vel potentia C. maj. à terminando semper actu N. maj Similiter D. min. N. consequentiam.

Urgebis 1mò. Quod actu terminat , est actu terminus , ergo quod potentia terminat , est potentia terminus.

R. D. ant. Quod actu terminat , est actu terminus , quoad actuale exercitium termini , C. ant. , est actu terminus præesse quoad rationem essentiale termini N. ant similiter dist. cons. Vox extrà propositionem habet essentiam termini , vox intrà propositionem dicit præterea exercitium compositionis , quod termino simpliciter tali non est essentiale.

Urgebis 2do. Extra propositionem non datur copula , ergo etiam extra propositionem non datur terminus.

R. C. ant. N. coam disparitas est , quia copula consistit in actuali exercitio uniendi prædicatum cum subjecto , extra propositionem verò non exerceatur unio prædicati cum subjecto

jecto. Terminus verò simpliciter talis non consistit in actuali exercitio terminandi, sed in eo, quod vox sit ab intellectu ordinata ad propositionem constituendam, qui ordo etiam habetur extra propositionem.

22. Urgebis 3^{to}. Metallum latens in mineris habet potentiam, ut exinde cudatur moneta, & tamen non dicitur actu pars monetæ ergo à pari licet voces extra propositionem habeant potentiam, ut exinde fiat propositio, tamen non debent dici actu partes propositionis

R. D. I^mam partem antecedentis, metallum latens in mineris habet potentiam remotam, ut exinde cudatur moneta C. ant. habet potentiam proximam N. ant. Sicut ergo metallum in officinâ monetariâ elaboratum, sit proximè potens induere formam monetæ, & tunc dicitur pars monetæ, sic de voce per intellectum ordinatâ ad propositionem.

ARTICULUS TERTIUS,

De Divisione Termini vocalis.

23. A D distinguendum unum terminum ab alio Dialectici maximè attendunt ad modum significandi, fieri enim potest, ut una & eadem vox habeat eandem rem significatam, propter diversum tamen modum significan-

nificandi pertinet ad diversos terminos , v.
g. hæc vox : *Petrus* , est terminus *catego-*
rematicus , in quantum sola potest esse in-
tegrum subjectum vel prædicatum in propo-
sitione. Est etiam terminus *incomplexus* ,
quia non habet partes separatim significan-
tes. Est terminus *singularis* , quia signifi-
cat unum tantùm &c. Ad vitandam inte-
rim confusionem benè visum est , præsentem
articulum in duos paragraphos dividi.

PARAGRAPHUS PRIMUS.

De quinque primis Divisionibus Termini Vocalis.

CONCLUSIO I. Terminus vocalis²⁴
imò dividitur in terminum *Categorematicum*,
& *Syncategorematicum*.

Declaratur : Terminus *categorematicus*
est *significativus per se* , id est : sine aliâ voce
adjunctâ vel subintellectâ , perfectè & determi-
natè significat , & solus potest in propositi-
one esse *integrum subjectum* , vel saltem præ-
dicatum , ut : *homo* , *homines*.

Terminus *syncategorematicus* est *consig-*
nificativus cum alio , scilicet termino cate-
gorematico , nec potest constituere *integrum*
subjectum nec prædicatum in propositione ,
led velut *pars propositionis minus principalis*
adjungitur termino categorematico , eum-

que modificat. Numerantur autem termini syncategoromatici: imò omnia adverbia modum significantia, ut: *benè*, *malè*, *velociter*, 2dò *casus obliqui*, ut: *domino*, *lapidis*, 3tiò signa logica, sic dicta, quia ex illis colligitur quantitas & qualitas propositionum, ut: *omnis*, *nullis*, *aliquis* &c.

His additur terminus *mixtus*, qui unâ voce terminum categorematicum & syncategorematicum virtualiter & equivalenter includit. Ut: *nemo*: id est, *nullus homo*, *nihil*, id est, *nulla res*.

25 Quæres. An etiam nomina adjectiva sint termini categorematici?

R. Affirmativè. Ratio est, quia nomina adjectiva per se significant determinatam formam, licet non significant determinatum subjectum, sic adjectivum *niger* non quidem significat determinatum subjectum nigredinis, significat tamen determinatam formam, scilicet nigredinem. Deinde adjectiva saltem possunt constituere integrum prædicatum propositionis, ut: *homo est albus*, quod sufficit ad terminum categorematicum. Aliud est in signis logicis, quæ ratione sui nec possunt esse integrum subjectum, nec prædicatum propositionis, neque significant aliquam formam determinatam categorematicè, sed syncategorematicè,

ut

ut enim ait Aristoteles i Perib. Lect 5.
Omnis non significat universalitatem, sed uni-
versaliter.

Dices imò contra terminum categor-
ematicum. Si terminus categorematicus
constitueret solus integrum subjectum vel
prædicatum in propositione, ergo in hac
propositione : *homo est animal rationale*, ly
animal non esset terminus categorematicus,
sed consequens est falsum, ergo & antece-
dens, P. seq. maj in dictâ proportione ly
animal solum non constituit integrum prædi-
catum, ergo.

R. D. prob. sequelæ, ly *animal* non con-
stituit integrum prædicatum actu C. ant.
non constituit integrum prædicatum poten-
tia N. ant. Animal faktem potest constitu-
ere integrum prædicatum, ut in hac propo-
sitione : *homo est animal*.

Dices 2dò contra terminum syncatego-
rematicum. Ideo copula non est terminus
quia est collatio partium, sed etiam ter-
minus syncategorematicus est *collatio* par-
tium, ergo etiam syncategoremeta non
sunt termini. Min. est S. Th. qui i. Perib.
Lect. i. sic ait : *Syncategoremeta magis sunt
colligationes partium, quam partes*, ergo.

Respondet S. Th. ibid. explicans men-
tem suam, quod syncategoremeta non sint

partes principales propositionis, sed tantum partes minus principales, quæ principalibus sive terminis categorematicis adduntur, eosque modificant, copula autem non est modulus subjecti vel prædicati.

In formâ R. D. maj. Ideò copula non est terminus, quia est colligatio partium unius partes C. maj. modificans partes N. maj. sed etiam terminus syncategorematicus est colligatio partium modificans partes C. min. unius N. min.

28 Dices 3tiò. Terminus debet per se componere propositionem, sed terminus syncategorematicus non componit propositionem per se, ergo non est terminus. P. min. componit propositionem *cum alio*, nempe categorematico, ergo.

R. D. maj. Terminus debet per se componere propositionem vel *ut pars principalis vel minus principalis* C. maj. semper *ut pars principalis* N. maj. sed terminus syncategorematicus non componit propositionem per se ut *pars principalis* C. min. ut *pars minus principalis* N. min.

29 CONCLUSIO II. Terminus secundò dividitur in terminum *Incomplexum & Complexum*.

Declaratur: terminus incomplexus vel simplex est, cuius partes separatae aut prorsus nihil

nihil significant, ut homo, vel saltem non significant idem quod conjuncte, ut dominus.

Terminus complexus sive compositus est, cuius partes separatae idem significant, quod conjuncte, ut: homo albus.

Quæres. Quæ conditiones requirantur ad terminum complexum.

R. Tres, Prima est, ut una ambarum vocum habeat se per modum determinabilis vel substantivi, & alia per modum determinantis vel adjективi, unde ad terminum complexum non sufficit coacervari Synonyma.

Secunda est, ut ambæ partes sint termini categorematici, & proinde in nominativo, quia terminus complexus debet participare rationem sui divisi vel termini categorematici, atque ita debet habere partes per se significativas, soli autem nominativo convenit per se significare.

Tertia est, ut partes separatae significant juxta significationem totius, ut in conclusione dictum est.

Defectu harum conditionum à termino complexo excluduntur primò: homo leo, gladius ensis, secundò, nullus homo, filius Petri, aurifaber, tertio, respublica, leopardus &c.

Dices. Non datur terminus compositus,

ergo nec complexus, P. ant. quod est *compositum*, hoc pertinet ad secundam mentis operationem, sed terminus non pertinet ad secundam mentis operationem, ergo. P. maj. esse compositum habetur per compositionem, sed compositione pertinet ad secundam mentis operationem, ergo.

R. D. prob. maj. esse compositum habetur per compositionem, *vel judicativam vel apprehensivam* C. maj habetur per compositionem *semper judicativam* N. maj. sed *compositione judicativa* pertinet ad secundam mentis operationem C. min. *compositione apprehensiva* N. min. Terminus vero complexus est *compositus compositione apprehensivâ*, quæ sit per primam operationem intellectus, sine affirmatione vel negatione.

32. Urgebis imò. Sed etiam terminus complexus non est *compositus compositione apprehensivâ*, ergo contra solut. P. ant., si terminus complexus esset *compositus compositione apprehensivâ*, ergo non esset terminus, sed consequens est falsum, ergo & antecedens P. seq. maj. terminus debet esse quid *simplex*, sed quod est *compositum compositione apprehensivâ*, non est quid *simplex*, ergo.

R. D. prob. sequelæ, terminus debet esse quid *simplex formaliter* C. maj. debet esse

esse quid simplex materialiter N. maj. simili-
liter D. min. N. coram. terminus comple-
xus est compositus materialiter, quia con-
stat pluribus vocibus, velut materiâ, est ve-
rò simplex formaliter, quia est formaliter
unus & simplex terminus.

Urgebis 2dò. Sed terminus complexus 33.
non est formaliter simplex terminus, ergo
contra solutionem. P. ant. quod non est
formaliter pars, non est formaliter simplex
terminus, sed terminus complexus non est
formaliter pars, ergo P. min. totum non est
formaliter pars, sed terminus complexus
v. g. *homo doctus*, est *totum*, ergo P. min.
oratio est *totum*, sed *homo doctus* est *ora-*
tio, ergo.

R. ad ult. Syllog. C. maj. D. min. sed
homo doctus sub ratione totius est oratio,
C. min. *sub ratione partis* N. min. Sicut ca-
put sub diversâ ratione est pars, in quan-
tum ordinatur ad componendum hominem,
& est totum, in quantum est compositum
ex fronte, oculis, ore &c. sic terminus com-
plexus *sub diversa ratione* est terminus & ora-
tio, est terminus, in quantum est pars per se
ordinata ad componendam propositionem,
est oratio, in quantum est aliquod totum
compositum, quod per se non ordinatur ad
aliud componendum.

34 CONCLUSIO III. : Terminus dividitur in *Univocum*, *Æquivocum* & *Analogum*.
Ante declarationem hujus divisionis.

Obserua, quod terminus univocus (sic de æquivoco & analogo) possit dupliciter accipi , semel pro univoco univocante , & semel pro univocis univocatis . Univocum univocans est vox vel nomen, quod univocè significat plura , Univoca univocata sunt ipsa plura significata , v. g. ly *homo* est univocus univocans , & significat Petrum , Paulum &c. univoca univocata sunt *Petrus* , *Paulus* &c.

- Declaratur Divisio : Terminus univocus est , qui significat plura convenientia non solum in eodem nomine , sed etiam in eadem ratione , sic *homo* est terminus univocus , quia significat plura sc. Petrum , Paulum , Joannem &c. quibus non tantum nomen *homo* , sed etiam ratio significata per nomen *homo* scil. *Animal rationale* , eodem modo convenit.

Hujus univocationis signum est , quod ad quæstionein , quare Petrus est homo & debeas respondere , quia est animal rationale , quare Paulus est homo ? quia est animal rationale.

Terminus æquivocus est , qui significat plura solo nomine convenientia , in ratione vero NB. per nomen importatā omnino diversa , sic *canis* est terminus æquivocus respectu *canis terrestris* , & *canis cœlestis* , quia his qui dem

dem convenit nomen canis , sed sub diversa ratione.

Cujus signum est , quod ad quæstionem , quare canis terrestris est canis ? debeas respondere , quia est animal latrabile , quare canis cœlestis est canis ? quia est certa series stellatum , in specie canis , ubi vides diversam rationem .

Dictum est : *in ratione NB. per nomen importata* , quia canis terrestris & cœlestis in alia ratione v. g. corporis , albi , substantiæ , unicæ vocè convenire possunt .

Terminus analogus est , qui significat plura nomine convenientia , *in ratione verò per nomen significata* , neque omnino eadem , ut in termino univoco , neque omnino diversa , ut in termino æquivoco , sed partim eadem , & partim diversa .

Quod dupliciter fieri potest , 1^o , ratio 35. significata per nomen analogum est eadem secundùm terminum , diverso tamen modo pluribus convenit , & tunc est terminus *analogus analogiæ attributionis* , v. g. sanum convenit tam animali , quam colori & medicinæ , diverso tamen modo , quia animal dicitur sanum , in quantum est subjectum sanitatis , color est sanus , in quantum est signum sanitatis , medicina est sana , in quantum est causa sanitatis . 2^o , ratio significata per no-

men analogum est simpliciter in pluribus diversa, cum aliqua tamen similitudine dicitur tam de uno quam de altero, & tunc est terminus *analogus analogia proportionalitatis*, v. g. *Principium respectu auroræ & cordis*, sicut enim se habet aurora ad principiandam diem, sic se habet cor ad principiandam vitam. Circa terminum analogum analogiā attributionis,

Advertendum. Quod in analogiis analogiā attributionis reperiantur duplicitis generis ³⁶ analogata, unum dicitur *analogatum* vel significatum *principale*, cui velut subjecto ratio per nomen analogum significata intrinsecè inest: unde axioma: *Nomen analogum stat pro famosiore analogato.* Alia sunt analogata minùs principalia, quæ illam rationem tantùm participant extrinsecè, & ordinantur ad analogatum principale, v. g. ratio significata per nomen *sanum* est sanitas, principale analogatum est *animal*, cui sanitas est intrinseca, analogata minùs principalia sunt, *color* & *medicina*, cum illa tantùm dicantur sana extrinsecè, & ordinentur ad sanitatem in animali, vel indicandam, ut: *color*, vel causandam, ut: *medicina*.

Dubitabis. Si substantivo æquivoco ad-
37. datur adjективum determinans significatio-
nem

nem nominis, v. g. *canis corporeus*, an tunc substantivum maneat æquivocum, an fiat univocum?

R. Fieri terminum univocum. Ratio est, quia tunc nomen v. g. *canis* quod *absolutè sumptum* significabat rationes diversas, determinatur per adjективum v. g. *corporeus* ad significandam *formaliter unam rationem corporis*, quam *canis terrestris & cœlestis univocè participant*.

CONCLUSIO IV. : terminus 41038.
dividitur in *communem & singularem*.

Declaratur: Terminus *communis* est, qui significat *plura divisim*, id est, qui significat *plura*, de quibus *singulis in distinctis propositionibus affirmari potest*, ut: *animal* significat hominem & brutum, & de quolibet illorum per *distinctas propositiones prædicari potest*. Unde patet differentia inter terminum *communem & collectivum*, quia terminus *collectivus* quidem significat *plura*, sed *simul & conjunctim*, neque de *singulis prædicari potest*, sic *exercitus NB.* *collectivè sumptus* non potest prædicari de *singulis militibus*, sed tantum de *omnibus simul*.

Dictum est: *Exercitus NB, collectivè sumptus*, scilicet pro totâ collectione militum, si enim sumatur *divisivè*, respectu hujus & illius exercitūs, tunc est terminus *communis*,

nis , ergo idem nomen v. g. *exercitus* sub diverso respectu est terminus collectivus , & communis , sicut idem nomen v.g. *canis* sub diverso respectu potest esse æquivo-
cus & univocus.

39 Terminus singularis est , qui unum tan-
tum NB. per se significat , ut : *Petrus*. Dictum
est : *unum tantum NB. per se significat* , quia
per accidens est , quod ex particulari homi-
num impositione plures habeant nomen
Petri.

Terminus singularis quadruplex est imò
determinatus , qui unum absolutè & deter-
minatè significat , ut : *Petrus*. 2dò *demonstra-
tivus* , quando termino communi apponi-
tur pronomen demonstrativum , ut : *Hic ho-
mo*. 3tiò , *vagus* , quando termino commu-
ni additur signum logicum , ut : *Aliquis ho-
mo* , 4tò *ex suppositione* , quando factâ aliquâ
suppositione unum tantùm significatur , ut
ex suppositione , quod B. V. habuerit uni-
cum filium , *B. M. V. Filius* ponitur pro Chri-
sto.

40 Dices. Hoc nomen *sol* est terminus
communis , sed sol non significat plura di-
visim , ergo terminus communis malè defi-
nitur , quod significet plura divisim , P.
min. non dantur plures soles , ergo.

R. D. prob. min. non dantur plures so-
les

les actu C. ant. potentia N. ant. Ad terminum communem sufficit, quod plura possint dari, plures autem soles absolute sunt possibles.

Urgebis. Ergo saltem hoc nomen Deus ⁴¹ non erit terminus communis. P. seq. plures Dii nec actudantur, nec dari possunt, ergo.

R. D. seq. hoc nomen Deus non est terminus communis quoad rem significatam C. seq. quoad modum significandi N. seq. Res significata per nomen Deus, scilicet natura Divina non est communis, sed summè singularis, nomen tamen Deus habet modum significandi communem, quia non exprimit singularitatem, hæc enim exprimetur, dicendo: hic Deus. Unde ly Deus est terminus communis Communitate Dialecticâ, quæ sumitur penes modum significandi, non verò communitate Logicâ, quæ dicitur universalitas, & spectari debet penes rem significatam.

CONCLUSIO V. Terminus ⁵ studi. videtur in Transcendentem & non Transcendentem.

Declaratur, Terminus transcendens est, qui in omnibus rebus invenitur, & de omnibus potest prædicari. Transcendentia autem enumerantur sex, scilicet: Res, Ens, Verum, Bonum, Aliquid, Unum, ly Res indicat

dicat essentiam, ly *Ens* existentiam, ly *Verum* indicat, quod omnia possint ab intellectu cognosci, ly *Bonum*, quod omnia possint à voluntate appeti, ly *Aliquid*, quod una res non sit alia, ly *Unum*, quod res in se sit unum quid & non plura.

Terminus non transcendens est, qui in aliquibus tantum invenitur, & de iis prædicitur, ut: *homo*.

PARAGRAPHUS SECUNDUS.

De ceteris Divisionibus Termini.

43 CONCLUSIO VI. Terminus 6to dividitur in *Concretum & Abstractum*.

Declaratur. Terminus concretus est, qui significat formam simul & subjectum, ut *album* significat albedinem, quæ est forma, & subjectum, cui albedo inest.

Terminus abstractus est, qui significat solum formam, ut: *albedo*.

44 Terminus concretus & abstractus subdividuntur in *Substantialem & Accidentalem*, quæ subdivisio facile intelligitur ex axiome Dialectico; *Tale est concretum vel abstractum, qualis est forma significata*, unde

1^o *concretum substantiale est*, quod significat formam *substantialem cum subje-*
cto, ut: *homo*.

2^o *concretum accidentale est*, quod
lig-

significat formam *accidentalem* cum subje-
cto, ut: *album*.

3tio abstractum *substantiale* est, quod
significat solam formam *substantialem*, ut
humanitas.

4tò abstractum *accidentale* est, quod
significat solam formam *accidentalem*, ut:
albedo.

Terminus *concretus* *accidentalis* iterum⁴⁵
alius est *intrinsecè denominans*, alius *extrin-
secè denominans*. Terminus *concretus acci-
dentalis* *intrinsecè denominans* est, qui sig-
nificat formam *accidentalem* & simul sub-
jectum, cui talis forma *intrinseca* est, vel in-
hæret, ut: *dulce*, significat dulcedinem velut
formam *accidentalem* *intrinsecam* vel inhæ-
rentem *subjecto*, v. g. *melli*, *Saccharo* &c.
hoc dicitur *subjectum inhæsionis*, & *denomina-
tionis intrinsecæ*.

Terminus *concretus* *accidentalis* *extrin-
secè denominans* est, qui significat formam
accidentalem & simul *subjectum*, ad quod
talis forma tantum *extrinsecè terminatur*,
non verò ei inhæret, ut *visum* significat visi-
onem velut formam *accidentalem*, quæ sub-
jecto v. g. *parieti* non inhæret, sed tantum
ad illum terminatur, & denominat parietem
extrinsecè visum, unde *paries respectu visio-
nis*

nis non est subjectum inhæsionis , sed tan-
tum denominationis extrinsece.

46 Dices. Terminus concretus & abstractus
non differunt , ergo mala est divisio , P. ant.
terminus concretus & abstractus *idem* signi-
fiant , v. g. *album* & *albedo* significant ean-
dem formam , ergo .

R. ad Prob, ant. D. ant. terminus con-
cretus & abstractus significant *idem ex parte*
rei significatae C. ant. significant *idem ex parte*
modi significandi N. ant. eadem est res signi-
ficata per ly *album* & *albedo* , modus tamen
significandi est diversus , nam *album* sig-
nificant albedinem simul & subjectum , albe-
do vero significant solam albedinem non sig-
nificando subjectum.

47 Urgebis. Sed *albedo* non potest signifi-
cari sine *subjecto* , ergo contra solut. P. ant.
albedo debet significari , sicut est , sed *albe-
do* non est sine *subjecto* , ergo . P. min. forma
accidentalis non est sine *subjecto* , sed *albe-
do* est *forma accidentalis* , ergo .

R. D. P. ant. *albedo* debet significari
quoad rem significatum sicut est C. maj. de-
bet significari *quoad modum significandi* N.
maj. & C. min. D. cons. res significata per
ly *albedo* semper inest *subjecto* , hæc tamen
vox *albedo* *quoad modum significandi* non
exprimit subjectum albedinis.

CON-

CONCLUSIO VII. Terminus 7mo
dividitur in **Connotativum & Absolutum.**

Declaratur. Terminus connotativus est, qui significat aliquid per modum alteri adjacentis, aut per modum adjективi, sive sit verum adjectivum ut : *album*, *dulce*, sive habeat modum significandi adjectivum, ut : *Dominus*, *Servus*, quæ connotant subjectum.

Terminus absolutus est, qui significat aliquid per modum per se stantis, aut per modum substantiæ, sive sit vera substantia, ut : *homo*, *lapis*, sive habeat modum significandi proprium substantiæ, ut : *dulcedo*, *albedo*, quæ significant formam non connotando subjectum.

Quænam nomina sint termini connotati.⁴⁹ vi & quænam absoluti, discernendum est ex sequentibus regulis.

Prima: omnia nomina adjactiva sunt termini connotativi, ut, *album*, *humanum*.

2da: nomina substantiva concreta significantia formam *accidentalem* sunt termini connotativi, ut : *Pater*, *Rex*, *Pictor*.

3ta: nomina substantiva concreta significantia formam *substantialem* sunt termini absoluti, ut, *homo*, *leo*, *arbor*.

4ta: omnia nomina abstracta sunt termini absoluti, ut : *albedo*, *humanitas*.

Dices. Nomina adjactiva : *cæcus*, *in-dictus*, & similia non sunt termini connotati,

tivi, ergo non omnia adjectiva sunt termini connotativi, P. ant. non significant aliquid per modum alteri adjacentis, ergo, P. ant. significant *absentiam formæ*: visionis, doctrinæ &c. ergo.

R. D. 2dum ant. non significant aliquid per modum alteri *positivè adjacentis* C. ant. non significant aliquid per modum alteri *adjacentis privativè* N. ant. *Cæcus* enim significat cœcitatem vel privationem visus, quasi illa adjaceret oculo. Pro meliori notitiâ horum terminorum.

51 Advertendum imò, quod omnes termini connotativi sunt concreti, non tamen omnes termini concreti sunt connotativi, nam *homo* est terminus concretus, & tamen non est terminus connotativus. Similiter omnes termini abstracti sunt absoluti, non tamen omnes termini absoluti sunt abstracti, nam *lapis* est terminus absolutus, & tamen non est terminus abstractus.

52 2dò, in termino connotativo & concreto accidentalì distingui debet duplex significatum, unum *formale* & primarium, alterum *materiale* & secundarium, significatum *formale* est ipsa forma, quæ nomine connotativo vel concreto accidentalì exprimitur, significatum *materiale* est subjectum, cui talis forma adjacet vel inhæret. Dicitur

tur autem forma significatum primariuin,
quia NB. secundum significationem forma im-
portatur in recto vel nominativo, subjectum
verò in obliquo, *album* enim quoad significa-
tionem sic philosophicè explicatur: *albedo*
adjacens vel inherens subjecto.

Dictum est NB. secundum significationem, si enim spectetur suppositio, quam ly *album* habet in propositione, sic explicatur, *album* est res habens albedinem, ubi subjectum impor-
tatur in recto, & forma in obliquo, unde *al-
bum* primariò significat formam, supponit ta-
men pro subjecto, v. g. in hac propositione:
saccharum est dulce, ly *dulce* non supponit pro
dulcedine, aliàs illa propositio faceret hunc
sentum: *saccharum est dulcedo*, sed supponit
pro subjecto, ut sensus propositionis sit: *sac-
charum est subjectum dulcedinis.*

CONCLUSIO VIII. Terminus 8vò di- 53
viditur in terminum *Finitum & Infinitum.*

Declaratur: Terminus finitus est vox,
cui nulla negatio immediate apponitur, &
prætereà rem determinatam determinatè sig-
nificat, ut: *homo*. Terminus infinitus est,
cui particula NON immediate anteponitur, &
nullam rem determinatè significat, ut:
non-lapis, hic enim terminus *non-lapis* non
significat, quid res sit, sed tantùm, quid
non sit, & de omnibus (præterquam de la-

pide in infinitum prædicari potest, v.g. *homo est non lapis, equus est non lapis &c.* ubi

54 Advertendum insuper, quod negatio apud Philosophos sit duplex, alia *negans*, alia *infinitans*, negatio *negans* est: quando particula *non* in propositione afficit copulam, & facit propositionem negativam, ut: *lapis non est homo*. Negatio *infinitans* est, quando particula *non* afficit solum terminum, eumque reddit infinitum, vel incertum, ut dictum est.

55 CONCLUSIO IX. Terminus 9nō dividitur in terminum *Prima intentionis*, & terminum *Secundæ intentionis*.

Declaratur: Terminus primæ intentionis significat *aliquid reale*, sive quod rei convenit independenter ab intellectu, ut: *animal, homo*.

Terminus secundæ intentionis est, qui significat *aliquid rationis*, sive quod rei convenit tantum per intellectum, ut: *subjectum, prædicatum, genus, species &c.* de quibus in Logicâ.

56 CONCLUSIO X. Termini inter se comparati dividuntur in *Pertinentes* & *Impertinentes*.

Declaratur: Termini impertinentes sunt, inter quos nulla est *habitudo connexionis* vel *repugnancie*, sive quorum unus aliud nec interfert,

fert , nec excludit , ut sapiens & dives in homine , non enim sequitur per affirmati- nem , homo est sapiens , ergo est dives , ne- que per negationem , ergo non est dives , sed sapientia potest esse in homine vel cum , vel sine divitiis .

Termini pertinentes sunt , inter quos est habitudo connexionis vel repugnantiae , id est , quorum unus vel sequitur ex altero per affir- mationem , & tum dicuntur termini per- tinentes sequelâ , ut : est homo , ergo est animal , vel unus excluditur ab altero per negatio- nem , & tum dicuntur termini pertinentes repugnantiam , ut : est homo , ergo non est equus .

Termini pertinentes sequelâ alii sunt con- 57 vertibiles , alii non convertibiles , illi sunt convertibles , quorum unus infert alterum , & vicissim ab illo infertur , ut , est homo , er- go est rationalis , & econtra , est rationalis , ergo est homo . Termini non convertibles sunt , quorum unus infert alterum , non ta- men vicissim ab altero infertur , quamvis enim bene sequatur , est homo , ergo est ani- mal , non tamen vice versa : est animal , er- go est homo .

Termini pertinentes repugnantiâ alii sunt 58 disparati , alii propriè oppositi , disparati sunt , qui habent inter se naturalem diversitatem , non tamen propriè dictam oppositionem ,

ut : *homo & equus.* Propriè oppositi sunt , quos intercedit vera aliqua oppositio.

Quadruplex autem est oppositio terminorum.

59 *Ima contraria* , quâ duo *positiva* se mutuò expellunt ab eodem subjecto , ut : *calor & frigus.*

2da contradictoria , quæ intercedit inter duos terminos , quorum unus est finitus , alter infinitus , sic opponuntur : *homo, non homo.*

3ta privativa , quæ intercedit inter formam & ejus privationem , sic opponuntur *Vita & Mors.*

4ta relativa , quæ intercedit inter duos terminos , quorum unus dicit relationem ad alterum , sic opponuntur *Pater & Filius.*

Hæc de terminis dicta sufficiant. Cetera , quæ de Universalibus , Anteprædicamentis Prædicamentis , & Postprædicamentis ab aliquibus ad Dialecticam transcribuntur , utilius in Logica discutientur.



INFORMATIO SECUNDA.

De Nominе , Verbo , & Oratione.

ARTICULUS PRIMUS.

De Nominе.

1. CONCLUSIO. Nomen benè definitur vox significativa ad placitum , sine tempore ,